

觀猿王瀑布記

安政庚申閏三月初五日、草菴緝、來觀猿王瀑布、高凡數十丈、噴沫怒發、左右激注、水勢所穿、中間自成一池、沿崖而上、立而視之、廣蓋丈餘、一人試抱石投之、則其深不知凡幾尺也、既而又奔流直下、以至地、地一面皆石、平坦如砥、而水鋪其上、清淺迸射、又凡數百步、以至谷口、仰而望之、則兩崖危峻削絕、殆欲傾崩、而枯藤老松、垂枝遮蔽之、又自然成趣、乃就樹蔭、安茶鼎、汲泉而煎、煖酒而酌、徜徉盤桓、及暮而去、此日天氣晴、風微有聲、冠者四人、童子二人、僕一人擔具而從、

觀猿王瀑布記

安政庚申閏三月初五日、草菴緝、來觀猿王瀑布、高凡數十丈、噴沫怒發、左右激注、水勢所穿、中間自成一池、沿崖而上、立而視之、廣蓋丈餘、一人試抱石投之、則其深不知凡幾尺也、既而又奔流直下、以至地、地一面皆石、平坦如砥、而水鋪其上、清淺迸射、又凡數百步、以至谷口、仰而望之、則兩崖危峻削絕、殆欲傾崩、而枯藤老松、垂枝遮蔽之、亦自然成趣、乃就樹蔭、安茶鼎、汲泉而煎、煖酒而酌、徜徉盤桓、及暮而去、此日天氣晴、風微有聲、冠者四人、童子二人、僕一人擔具而從、